



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA TEŠANJ**  
**OPĆINSKI NAČELNIK**  
*Služba za finansije, privredu, komunalne i inspeksijske poslove*

Br. 04-14-2-516-25/18  
Datum: 20.12.2018. godine.

**PREDMET: IZVJEŠTAJ O PROVEDENOJ JAVNOJ RASPRAVI**

Općinsko vijeće na sjednici održanoj dana 25.10.2018. godine je prihvatilo nacrt Budžeta Općine Tešanj za 2019. godinu i isti uputilo u javnu raspravu.

Javna rasprava je bila otvorena 30 dana, zaključno sa 01.12.2018. godine. Poziv na javnu raspravu upućen je građanima i korisnicima budžeta putem radio i tv medija općine Tešanj, objavom na web stranici i kontaktima putem resornih službi.

U periodu provođenja javne rasprave organizovano je 6 termina za usmeni dio rasprave na kojima je prisustvovalo 48 lica, uglavnom predstavnika različitih organizacija sa evidentiranih 38 primjedbi i prijedloga. Pored toga dostavljeno je i 9 pismenih prijedloga /zahtjeva od strane učesnika rasprave u ili putem e-maila. **Na javnoj raspravi nisu učestvovali predstavnici političkih stranaka niti vijećnici u svojstvu vijećnika. Svi izneseni prijedlozi su se odnosili na rashodovnu stranu, tj, njeno povećanje i nisu uključivali prijedlog načina na koji obezbijediti dodatna sredstva.**

Uz sažetak iznesenih prijedloga svih učesnika u javnoj raspravi, date su informacije o stavovima Predlagača i posljedicama iznesenih prijedloga na konačni tekst Prijedloga Budžeta općine Tešanj za 2019. godinu.

**PREGLED PRIJEDLOGA I PRIMJEDBI SA IZJAŠNJAVANJEM PREDLAGAČA:**

- **JP „Toplana“ d.d. Tešanj** je tražilo da se u budžetu planiraju sredstva za sufinansiranje nastavka radova na toplifikaciji – GRANA IX-STARA ČARŠIJA u visini od cca. 50.000 KM, uz obezbjeđenje vlastitog učešća od strane Toplane.

**Predlagač:**

Zahtjev je **prihvaćen** na način da se u okviru budžeta za narednu godinu planiraju sredstva za garancije date JP-u za novo kreditno zaduženje od dodatnih 20.000 KM. Prethodno zaduženje JP-a je bilo uspješno i isto se okončava povratom kredita u 2019. godini, čime se otvara mogućnost novog zaduženja za dalji razvoja mreže (grana 9, Tepe, izmještanje vrelovoda Zvečaj i drugo).

- **JU „Centar za socijalni rad Tešanj“** je zatražila uvećanje sredstava za Ustanovu zbog potrebe zapošljavanja još jednog socijalnog radnika što na godišnjem nivou iziskuje dodatnih 25.000 KM. U dijelu materijalnih troškova i kapitalnih ulaganja zatraženo je izdavanje sredstava za zamjenu računarske opreme koja je zastarjela.

**Predlagač:**

izvršeno je uvećanje planirane stavke za 15.000 KM, te je Zahtjev dijelom prihvaćen.

- **JU „Centar za kulturu i obrazovanje Tešanj“** je zatražila izdvajanje sredstava za investiciono održavanje objekta Doma kulture, a prije svega zamjenu stolica u velikoj Sali Centra, ukupne vrijednosti od oko 100.000 KM.

**Predlagač:**

Zahtjev je jednim djelom prihvaćen i izdvojena su sredstva za potrebe JU-e od 20.000 KM za intervencije na objektu Doma kulture, ali u ovom momentu nije moguće izdvojiti sredstva za zamjenu stolica u traženom obimu.

- **MZ Raduša**, je zatražila uvećanje sredstava za rad mjesnih zajednica, uz zapošljavanje sekretara MZ sa punim radnim vremenom u mjesnim zajednicama za koje se definiše posebna potreba. Traženo je da se nađe jedinstveno rješenje za finansiranje javne rasvjete, kako za održavanje i u mjesnim sredinama, tako i za utrošak električne energije.

**Predlagač:**

Općina godišnje izdvoji cca. 260.000 KM za rad organa MZ, a ukupni prihodi mjesnih zajednica na godišnjem nivo iznose i preko milion KM. Način angažovanja sekretara u MZ je pitanje obima i vrste poslova na kojima je isti angažovan od strane MZ i iznalaženja drugih izvora finansiranja. U nekim slučajevima nije potreban cjelodnevni angažman sekretara, u drugim slučajevima sekretari MZ rade poslove za lokalne vodovode. Budžetom za 2018. godinu su takođe povećana sredstva za rad organa MZ, povećanje je predviđeno i budžetom za 2019. godinu ali ne može podrazumijevati finansiranje 25 sekretara u punom radnom vremenu i svim obavezama.

Održavanje javne rasvjete je definisano Odlukom Općinskog vijeća i dio obaveza je jasno predviđen za MZ. U praksi se desilo da su MZ širile mrežu zapostavljajući tekuće ili buduće održavanje. Trenutno je isti odnos prema svim mjesnim zajednicama.

Pitanje finansiranja utroška električne energije je održiv i konstantno se unapređuje zamjenom svjetiljki led tehnologijom i slično, a sistemski će biti riješeno zaživljavanjem nove odluke o komunalnoj naknadi koja je u pripremi.

- **Kasim Huskić (MZ O.Planje)** je tražio da se uvećaju kapitalna ulaganja po MZ (lista) budući da su ona pojedinačno mala, jer se sredstva razvodne. Navodi da su kapitalna ulaganja za sve 650.000 KM, a s druge strane samo u industrijske zone 450.000 KM. -Nadalje je zatražio da se unaprijedi održavanje asfaltnih puteva (blagovremenost i penali za izvođače), te da se kod održavanja makadamskih puteva utvrde prioriteti. Zatražio je da se dodatno podrže privredni subjekti u ruralnim sredinama radi zadržavanja stanovnika u tim područjima. Predložio je usmjeravanje stipendija na zanimanja koja su deficitarna.

**Predlagač:**

Sredstva za kapitalna ulaganja putem Liste su uvećana u budžetu za 2018. godinu, i to ne na uštrb velikih i značajnih projekata. Općina je Strategijom razvoja, pa i drugim planovima definisala određene veće i značajnije projekte koji su nužni za cijelu Općinu, npr, gradnja novog kanalizacionog sistema, mosta u Jelahu, četiri školske dvorane, vodovoda i sl. Budžetom za 2019. godinu u kapitalnom dijelu je planirano ulaganje veće od 9 miliona KM u infrastrukturu. Sva ta ulaganja su u mjesne zajednice.

Osim toga, neki od projekata su sufinansirani javnim pozivima i sredstvima od drugih nivoa vlasti ili donatora. Npr. Za poslovne zone su već obezbijedena sredstva putem javnog poziva za sve općine na federalnom nivou. Nije bilo moguće kandidovati puteve po mjesnim zajednicama. Svima, bez obzira iz koje MZ dolazimo su potrebne poslovne zone i radna mjesta.

Stavka školske dvorane u 2019. godini je opet ulaganje u mjesne zajednice, samo što nije na jednoj budžetskoj stavci. Vodovodi se grade u mjesnim zajednicama, i to nije prikazano na jednoj stavci nego izdvojeno. Uvećanje drugih stavki, kao što je vodosnabdijevanje od 160.000 KM može se smatrati djelimično prihvatanje zahtjeva.

Inicijativa je za više sredstava i napredak u održavanju je prihvatljiva i za narednu godinu je planirano ranije provođenje procedura vezanih za plan održavanja putne infrastrukture, kao i poboljšanje dinamike realizacije istog. U tekućoj godini smo imali dodatne poteškoće u realizaciji zbog poplava koje su u više navrata zahvatale pojedine dijelove Općine. Nije moguće subvencionirati poslovanje privrednih subjekata koji se ne nalaze u poslovnim zonama. Trenutno je takvih poslovnih subjekata oko 40% na prostoru Općine.

Odluka o stipendiranju studenata je definisala potrebna zanimanja, kao i kriterije.

- **Lihić Almir (MZ Jablanica)** je predložio da se razmotri mogućnost formiranja javnog preduzeća ili proširenja djelatnosti JP „Rad“ Tešanj za potrebe održavanja infrastrukture (putevi, rasvjeta i slično). Nadalje je tražio da se, zbog prestanka otkupa od strane mlina u Jelahu, pokuša riješiti pitanje organizovanog otkupa pšenice od naših proizvođača na drugi način. Traženo je da se po u budžetu obezbijedi uređenje jednog većeg parka na teritoriji Općine.

Traženo je da se izvrši nabavka trimera za sve MZ, tako da one mogu angažovanjem lica dodatno održavati javne površine.

**Predlagač:**

Vezano za prvi prijedlog, bez obzira na javni karakter JP „Rad“ Tešanj, za navedene usluge se mora ići na javne nabavke, tako da prijedlog u ovom momentu nije prihvatljiv. Vezao za drugi prijedlog navodimo da otkup pšenice nije moguće riješiti institucionalno.

Vezano za park, ideja je prihvatljiva, konkretni koraci su i projektovanje eko oaze Rastoke koje je u postupku nabavke, s tim da se trebaju iznaći i odgovarajuća sredstva. Nabavka trimera se može organizovati kroz stavku komunalne higijena na pojedinačne zahtjeve mjesnih sredina koje za to izraze spremnost, ali i preuzmu odgovornost za održavanje.

- **Piro Amir (MZ Dž. Planje)** je predložio da se sredstva za rad mjesnih zajednica uvećaju, budući da su ova na postojećem nivou nedovoljna. Po mogućnosti uvećanje izvršiti za sve, a ako nema dovoljno sredstava onda izdvojiti kritične MZ koje nemaju nikakve vlastite prihode.

Zatražio je da se sredstva za zimsko održavanje putem MZ uvećaju jer su ugovorena znatno manja sredstva od potreba MZ, obzirom na mrežu puteva koji se održavaju. Nadalje, zatražio je da se od strane Općine preuzme održavanje javne rasvjete u MZ. Zatraženo je i da se u listi kapitalnih kao projekat MZ planira nabavka vozila za zimsko održavanje.

**Predlagač:**

Prva 3 prijedloga su obrazložena u ranijem tekstu. Po pitanju četvrtog zahtjeva, ističemo da nabavka vozila za zimsko održavanje može biti istaknuta kao prioritet MZ u Listi kapitalnih investicija, ali da to nije jednostavno za realizaciju, jer onda traži održavanje vozila, angažovanje vozača, nabavku reprofmaterijala, tako da bi isplativost bila jako upitna.

- **Crveni križ općine Tešanj** je zatražio uvećanje sredstava za dobrovoljne davaoce krvi i pomoć za zamjenu vozila za potrebe Crvenog križa.

**Predlagač:**

Oba zahtjeva su prihvaćena, te je izvršeno uvećanje stavke za dobrovoljne davaoce krvi za 50%, odnosno za 5.000 KM, te su planirana sredstva za podršku nabavci vozila od 7.000 KM.

- **Mjesna zajednica Jelah** je tražila da su u budžet uvrsti stavka za gradnju sportske dvorane Jelah, te da se sredstva za MZ Jelah uvećaju za vrijeme umanjenja prihoda od pijace koje je nastalo radovima na mostu Lejle Mulalić.

- **Predlagač:**

- Projektovanje tj. Izrada idejnog projekta za gradnju sportske dvorane u Jelahu je već u postupku javne nabavke, prije nego što je usvojen Nacrt Budžeta. Načelnik je formirao projektni tim koji je finalizirao projektni zadatak, te je objavljen tender. Projektovanje bi se svakako nastavilo i u 2019. godini izradom glavnog projekta iz sredstava za projektovanje, ali je prihvaćen i zahtjev da stavka ima posebno ime, te je promijenjen naziv stavke uz uključenje dodatnih sredstava na ranije predviđenoj stavci projektovanja za potrebe realizacije javno-privatnog partnerstva.

- Drugi zahtjev se može realizovati kroz uvećanu stavku zarad mjesnih zajednica (10.000 KM) donošenjem posebnog rješenja Općinskog načelnika.

- **Husibehović Mahmo – UG „Pčela“ Tešanj** je zatražio da se planira postavljanje brana na rijeci Usori radi značajnijeg vodozahvata i samog izgleda iste (primjer Miljacke kod koje je nivo značajno uvećan sa istim).

Zatražio je da se planira značajnije postavljanje drvoreda i po mogućnosti izradi veća park površina negdje na teritoriji Općine.

**Predlagač:**

Gradnja brana se može planirati kroz stavku „Revitalizacija rijeke Usore“, ali je za ove radove potrebno obezbijediti odgovarajuće dozvole od strane JP koje upravlja vodnim tokovima. Planiran je dio i za 2019. godinu.

Popuna postojećih drvoreda i širenje istih se planira kroz stavku predviđenu za komunalno uređenje, a za potrebe gradnje većeg parka je neophodno obezbijediti odgovarajući lokalitet. Trenutno je u fazi tendera projektovanje eko oaze Rastoke.

- **Mahmutović Sabahudin** – Savez za sport i rekreaciju invalida Tešanj je zatražio da se po mogućnosti uvećaju izdvajanja za invalidna lica po projektima, kao i za podršku sportskim aktivnostima invalidnih lica. Zatraženo je i da se izdvoje sredstva za uređenje jezera i staza na rijeci Usori.

**Predlagač:**

Sredstva za finansiranje sportskih klubova su kroz nacrt a i prijedlog Budžeta uvećana. Potrebno je pripremiti i kandidovati odgovarajuće projekte prema javnom pozivu koji je u toku. Uređenje jezera i staze na rijeci Usori se može provesti putem stavke „Revitalizacija rijeke Usore“.

- **Srkalović Mirsad – Sportski savez općine Tešanj** izrazio je zadovoljstvo kontinuiranim uvećanjem izdvajanja za sport, ali je istakao da na području Općine egzistira 30 klubova koji ostvaruju značajne rezultate i na međunarodnim takmičenjima, te da bi bilo neophodno dodatno uvećanje izdvajanja za iste.

**Predlagač:**

Sredstva za rad sportskih klubova i sport uopće su dodatno povećana i u prijedlogu Budžeta. Sredstva za sport se nalaze i u kapitalnom dijelu Budžeta kroz finansiranje gradnje školskih dvorana, bazena Kiseljak, projektovanje dvorane u Jelahu.

- **Hodžić Ismira – „Merhamet“ Tešanj** je istakla da je ove godine došlo do ponovnog aktiviranja rada Merhameta u Tešnju, te je zatražila da se ova organizacija uvrsti u budžet kao udruženje od posebnog značaja, kao što je to bio slučaj prije privremenog gašenja istog.

**Predlagač:**

Sredstva za finansiranje rada udruženja građana su povećana na više stavki. Odluka o finansiranju udruženja od posebnog značaja je zasebna odluka za koju je Općinsko vijeće svojim zaključkom potvrdilo da će je dodatno analizirati u narednom periodu. Do tada na raspolaganju su javni pozivi za udruženja građana.

- **Kurdić Adem** je takođe zatražio da se za rad MDD „Merhamet“ Tešanj obezbijede sredstva u budžetu Općine.

**Predlagač:**

Ovo Udruženje može biti značajnije finansirano kroz uvećane stavke predviđene za finansiranje udruženja od posebnog značaja (3.000 KM), kao i stavke za realizaciju projekata udruženja građana (9.000 KM). Realizacija može ići kroz jednu od ove dvije stavke, a za uvrštavanje u udruženja od posebnog značaja je neophodna izmjena Odluke OV-a.

- **Radio kluba „Pousorje“** je takođe zatražio da se ovo udruženje uvrsti u budžet kao udruženje od posebnog značaja.

**Predlagač:**

Ovo Udruženje može biti značajnije finansirano kroz uvećane stavke predviđene za finansiranje udruženja od posebnog značaja (3.000 KM), kao i stavke za realizaciju projekata udruženja građana (9.000 KM). Realizacija može ići kroz jednu od ove dvije stavke, a za uvrštavanje u udruženja od posebnog značaja je neophodna izmjena Odluke OV-a.

- **predstavnici Udruženja mladih Tešanjka** su istakli slijedeće:

1. Problem vodosnabdijevanja zbog nemogućnosti zaštite bunareva u postojećoj zoni i mogućnost preuzimanja postojeće mreže lokalnog vodovoda od strane Rada i priključenja na gradsku mrežu.

2. Uređenje korita rijeke Tešanjke koja protiče kroz urbano područje a pravi velike probleme sa obalom i u pogledu zagađenosti.

3. Uređenje raskrsnice i adekvatnog pristupa djece školi na Tešanjci.

**Predlagač:**

Pitanje vodovoda treba rješavati kroz stavku vodosnabdijevanja u narednim godina sa definisanim načinom finansiranja i drugim elementima. Suvlasnici privatnog vodovoda na Tešanjci imaju informacije koje preduslove moraju ispuniti kako bi se rješavao problem i kako bi se privatni vodovod povezo sa javnim.

Raskrsnica na Tešanjci je u fazi projektovanja za rekonstrukciju i eventualni kružni tok. Budući da nema procjena troškova te da je u pitanju magistralni put u nadležnosti Federacije BiH, očekujemo takav način finansiranja.

Pješačke staze se mogu rješavati kroz Listu kapitalnih investicija i kandidovanjem projekata višim nivoima vlasti. Lista će biti rađena odmah po usvajanju budžeta.

- **Elvedin Ahmić iz Miljanovaca** je zatražio da se u budžetu planiraju posebna sredstva za održavanje mostova na lokalnim i nekategorisanim cestama koji su u dosta slučajeva stari, dotrajali, loših ograda, neosvjetljeni pristupa i male širine.

Predloženo je povećanje sredstava za osnovne škole za ulaganja u školske objekte.

**Predlagač:**

Prijedlog je prihvatljiv i smatramo ga dobrom inicijativom za značajnije rješavanje ovog pitanja kroz stavke održavanje asfaltnih i makadamskih puteva, za što se sada iz budžeta izdvaja 550.000 KM. Navodimo da je trenutno u izgradnji novi most Lejle Mulalić u Jelahu, na mjestu starog koji je upravo imao sve nedostatke navedene u prijedlogu gospodina Ahmića.

Po drugom pitanju ističemo da se pored gradnje 4 školske sale, kontinuirano vrše i radovi na poboljšanju infrastrukture osnovnih škola obezbjeđenjem grant sredstava, prije svega Kantona. Možda nisu direktno vidljiva sredstva u budžetu jer su uključena u stavku Podrška projektima i utrošak sredstava kapitalnih grantova viših nivoa vlasti i drugih izvora. Tako je u protekloj godini izvršeni radovi na OŠ Tešanjka (zamjena stolarije), PŠ Trepče (zamjena krova), PŠ Mrkotić (rekonstrukcija škole), OŠ Tešanj (zamjena stolarije) u ukupnoj visini od 165.503 KM.

- **Omerbašić Sabahudin i Medarić Nadir (općinske službe)** su istakli da je za narednu godinu neophodno planirati sredstva za nabavku GIS-a (Geoinformacioni sistem) sa implementacijom od ukupno 60.000,00 KM.

**Predlagač:**

Zahtjev nije prihvaćen budući da u ovom momentu imamo rješenje koje zadovoljava trenutne potrebe, a u okviru postojećih stavki se može planirati njegovo unapređenje.

- **Muslija Azra (Služba za društvene djelatnosti i investicije)** je istakla potrebu uvećanja sredstva za rad sportskih klubova i društava zbog potreba finansiranja takmičarskog dijela i unapređenja infrastrukture klubova.

Traženo je uvećanje sredstava za udruženja građana za realizaciju projekata.

**Predlagač:**

Oba zahtjeva su prihvaćena, te su sredstva (i prema zahtjevima drugih učesnika u raspravi) uvećana na stavkama za sportske klubove dodatnih 50.000 KM i za udruženja građana 9.000 KM.

- **Služba za finansije, privredu, komunalne i inspeksijske poslove** istakla je zahtjev da se iz sredstava sa Komunalne higijene izdvoje sredstva za zbrinjavanje pasa lualica, te da se ista prebace na grant sredstva za finansiranje programa udruženja građana.

Zatraženo je i djelimično uvećanje stavke za povrat poreza od 10.000 KM, zbog zaživljavanja mehanizma povrata prema godišnjim prijavama-obračunima poreskih obveznika.

**Predlagač:**

Oba zahtjeva su prihvaćena.

- Saletović Mensur je istakao da skladište CZ za koje je u ovoj godini planiran iznos od 140.000,00 KM (tender u toku) iziskuje dodatnih 40.000,00 KM u narednoj godini, te da je potrebno uskladiti prijenos sredstava i napraviti novu procjenu potencijala stavke posebne naknade za zaštitu i spašavanje.

**Predlagач:**

Zahtjevi Službe su prihvaćeni, te je izvršeno revidiranje i uvećanje sve četiri stavke vezane za Službu, ako i prijenosa neutrošenih namjenskih sredstava iz tekuće godine.

- **Mujaković Nihad** ispred Sindikalne organizacije Općine je zatražio da se pregovori za osnovicu plate za narednu godinu provedu blagovremeno i sa se kroz iste obezbjedi usklađivanja plaća sa rastom BDP kako to definiše i Zakon o plaćama. Da se planiraju adekvatna budžetska sredstva za popunu upražnjenih radnih mjesta.

**Predlagач:**

Pregovori su započeti prije okončanja prijedloga budžeta, ali nisu dovel do zaključenja sporazuma. Izvršeno je djelimično usklađivanje osnovice prema ograničenjima koja su vezana za federalnu osnovicu, a ostavljena je mogućost korekcije osnovice u skladu sa zakonskim osnovom i Sporazumom sa Sindikatom. Zahtjev je dijelom prihvaćen.

- Dedukić Mirnes je zatražio da se kod obračuna plaća uposlenih pored definisane osnovice za narednu godinu koristi i mehanizam boda za korekciju plata uposlenih.

**Predlagач:**

Zahtjev nije prihvaćen, te je bod u prijedlogu ostavljen na nivou 1, a ostavljena je mogućost korekcije osnovice u skladu sa zakonskim osnovom i Sporazumom sa Sindikatom.

Pored gore navedenih prijedloga, u toku javne rasprave potvrđeni su ili doneseni akti viših nivoa vlasti (Vijeće ministara, Fond za okoliš FBiH slično), obezbijedene su dodatne informacije, te su izdefinisane dinamike i strukture finansiranja projekata, tako da su i ovi elementi uzeti u razmatranje. Sve navedeno je uzrokovalo značajniju izmjenu dokumenta u odnosu na Nacrt od **835.000 KM**.

Dostavljeno:

1. Općinskom vijeću
2. Služba,
3. Arhiva.

POMOĆNIK OPĆINSKOG NAČELNIKA

  
Hamzaliya Hojkurić, dipl.ecc